

四庫全書

子部

欽定四庫全書

職官分紀卷三十三

宋 孫逢吉 撰

總將軍

周禮夏官大司馬凡制軍萬有二千五百人

一鄉之民也凡起徒

役家一人也

王六軍

六師之數

大國三軍

公侯之封

次國二軍

諸伯之封小

國一軍

子男之封

軍將皆命卿

位視大夫也

春秋之

將列國有以

正卿為將軍又以亞卿一人為佐用執政者食其權以陵近皆非周公之舊也

左傳襄公十三年晉侯蒐于綿上以治兵使士句將中
軍辭曰伯游長昔臣習於知伯是以佐之非能賢也請
從伯游荀偃將中軍士句佐之使韓起將上軍辭以趙
武

史記齊景公召穰苴與語大悅以為將軍將兵扞燕
文帝後六年匈奴入上郡周亞夫為將軍居細柳宗正
劉禮為將軍居霸上祝茲侯徐厲軍棘門以備胡

十萬之軍無必亂

尹子十萬之軍
無將軍必亂

斬莊賈以徇三軍

史記

齊景公以司馬穰苴為將軍苴曰臣素卑賤君擢之閭伍之中加之大夫之上士卒未附百姓不信人微權輕願得君之寵臣國之所尊以監軍景公許之使莊賈往穰苴與莊賈約曰日中會於軍門穰苴先馳至軍立表下漏待賈賈素驕貴不甚急親戚左右送之留飲日中賈不至穰苴則仆表決漏入行軍約束既定賈至苴曰將受命之日則忘其家臨軍約束則忘其親援枹鼓之急則忘其身召軍正問曰軍法後時者云何對曰當所違新莊賈斬愛姬孫武以兵法見於吳王閭閻曰可以以徇三軍斬愛姬孫武以兵法見於吳王閭閻曰可以以婦人乎曰可許出宮中美女百八十人孫子分為二隊王之寵姬二人各為隊長皆令持戟令曰汝知心與左右手背乎曰知孫子曰前則視心左視左手右視右手後視背婦人曰諾設鈇鉞三令五申鼓之婦人大笑乃斬左右隊長吳王臺上見斬愛姬曰吾非兩人不食曰已斬訖乃使下令曰寡人知將軍能用兵矣休就舍

也死綏

魏志太祖令曰司馬法將軍死曉暢軍事

蜀諸葛亮

出師表曰將軍向寵性行淑均曉暢軍事試用於昔日先帝稱之曰能是以衆議舉寵為督愚以營中之事悉以咨之必能使行陣和睦優劣得所也

大將軍

上大將軍
上將軍附

後漢書靈帝時望氣者以為京師當有大兵兩宮流血
大將軍司馬許涼說何進曰太公六韜有天子兵事可
以威厭四方詔進大發兵講武於平樂觀下起大壇上
建十二重五采華蓋十丈壇東北為小壇復建九重華

蓋九丈列步兵騎士數萬人結營為陣天子親出臨軍
駐大華蓋下進駐小華蓋下禮畢帝躬擐甲上馬稱無
上將軍行陣三匝而還

後漢百官志將軍不常置本注曰掌征伐背叛比公者

品第一大將軍

蔡質漢儀曰漢興置大將軍位次丞相

初武帝以衛青數

征伐有功以為大將軍欲尊寵之以古尊官惟三公皆
將軍始自秦晉以為卿號故置大司馬官號以冠之其
後霍光王鳳等皆然成帝綏和元年賜大司馬印綬罷

將軍官世祖中興吳漢以大將軍為大司馬景丹為驃
騎大將軍位在公下和帝即位以舅竇憲為車騎將軍
征匈奴位在公下還復有功遷大將軍位在公上復征
西羌還免官罷安帝即位西羌寇亂復以舅鄧騭為車
騎將軍征之還遷大將軍位如憲數年復罷自安帝政
治廢缺始以嫡舅耿寶為大將軍常在京都順帝即位
又以皇后父兄弟相繼為大將軍如三公焉

梁吳列傳
曰元嘉二

年又如典禮儀大將軍朝到端門若龍門謁
者將引增掾屬舍人令史官騎鼓吹各十人長史司馬

皆一人千石

東觀書曰憲作大將軍置長史司馬員吏官屬位次太傅

本注曰司馬

主兵如太尉從事中郎二人六百石本注曰職參謀議

東觀書曰大將軍出征置中護軍一人

掾屬二十九人令史及御屬三十

一人本注曰此皆府員職也

續漢志大將軍營有五部部三校尉部下有曲曲有軍

候一人韋昭辨釋名大將軍將軍之大者位在公上

應劭漢官儀和帝以竇憲為大將軍乃冠三公

魏志黃初中車騎將軍曹仁為大將軍明帝青龍三年

以大將軍司馬宣王為太尉

通典魏黃初中始有上大將軍以曹真為之吳亦以陸遜為上將軍

晉職官志大將軍古官也漢武帝置冠以大司馬名為崇重之職及漢東京不常置為之者皆擅朝權至景帝為大將軍亦受非常之任後以叔父乎為太尉改大將軍在太尉下及晉受命猶依其制位次三司下後復在三司上太康元年琅邪王伷遷大將軍復制在三司下

卬薨復如舊大將軍開府位從公者為武官著武冠平
上黑幘

宋百官志大將軍一人凡將軍皆掌征伐周制王立六
軍晉獻公作二軍公將上軍將軍之名起於此也楚懷
王遣三將入闕宋義為上將漢高祖以韓信為大將軍
漢西京以大司馬冠之漢東京大將軍自為一官位在
三司上魏明帝青龍二年晉宣帝自大將軍為太尉然
則大將軍在三司下矣其後又在三司上晉景帝為大

將軍而景帝叔父孚為太尉奏改大將軍在太尉下後復舊

南齊書百官志大將軍宋元嘉用彭城王義康為之後無人齊以為贈

隋百官志梁武受命多循齊舊陳承梁大將軍以為贈後齊制官多循後魏大司馬大將軍是為二大並典司武事後周建德四年增置上大將軍隋高祖採後周之制置上大將軍並為散官不理事上大將軍從二品大

將軍正三品煬帝十二衛各置大將軍一人將軍二人
總府事并統諸鷹揚府

唐職官志高祖貞觀十一年改上大將軍為上護軍大
將軍為護軍十六衛軍十六衛左右衛等大將軍各一
人正三品貞元二年詔六軍先已置統軍各一人今十
六衛宜置上將軍一人秩從二品由是始列於品位

封子三人為侯

前漢匈奴大入邊衛青將三萬騎出高
闕匈奴右賢王飲醉漢兵夜圍之右賢

走青得右賢裨王十餘人而還拜青為大將軍益封八
千七百戶而封青子三人俱為侯青固謝曰軍大捷皆

諸校力戰之功也臣青子在襁褓中未有勤勞為三不
侯何敢受上曰朕非忘諸校功也乃詔封公孫救等

斬裨將

逢奴入代大將軍衛青出定襄右將軍蘇建獨

問軍正軍正曰自大將軍出未嘗斬裨將今建棄軍可
斬以明將軍之威青不敢自擅專誅於境外遂因建詣

行有揖客

汲黯為主爵都尉列于九卿遷右內史時大

說黯不可不拜黯曰夫以大將軍圖形麒麟閣宣帝甘
有揖客反不重耶青聞之愈賢黯

上思股肱之美乃圖畫大將軍霍光衛將軍張安世車
騎將軍韓增後將軍趙充國丞相魏相丞相丙吉御史

大夫杜延年宗正劉德少府梁丘賀太子太傅蕭望之
與屬國蘇武等十一人於麒麟閣皆以有功德知名當

世是以表而揚之繪其形貌署
其官爵姓名唯霍光不名焉
陳賜金於廊廡
王實嬰字孫孝

景時吳楚及上察諸實無如嬰賢過拜嬰為大將軍賜金千斤嬰以所賜金陳廊廡下軍吏過輒全裁取為用金無入威震天下

後漢書憲為大將軍威震天下復出也武威會帝西祠園陵詔憲與車駕

會長安及憲至尚書以下議欲拜之伏稱萬歲韓稜正色曰夫上交不諂下交不瀆禮無為人臣稱萬歲之制

議者皆慙而止至尊重

前漢書建當責大將軍至尊重而天下之賢士大夫無稱焉願將軍觀古名將

所招選者勉之哉青紺曰自魏其武安之厚賓客天子常切齒彼親待士大夫招賢黜不肖者人主之柄也人臣奉法遵職而已何與與士卒有功

淮南王安陰有邪謀召伍被計事曰

公以為大將軍何如人也被曰臣所善黃義從大將軍擊匈奴言大將軍遇士大夫以禮與士卒有恩眾皆樂為用騎上下山如飛神力絕人如此數將習兵未易當也及謁者曹梁使長安來言大將軍號令明當敵勇常

為士卒先及士卒休乃舍穿井得水過敢飲軍罷士卒已踰河過渡皇太后所賜金錢盡以賞賜雖古名將不

過鎮撫四夷

漢武栢梁臺詩大將軍曰鎮撫四夷不易哉

政事壹決

武帝以霍光為

大將軍輔昭帝車千秋為丞相及昭帝初即位未任聽政政事壹決大將軍光光謂千秋曰始與君侯俱受遺

詔今光治內君侯治外宜有以教督使光無負天

自置

偏裨

後漢光武加耿弇父況為大將軍得自置偏裨

耿氏與漢興衰

耿氏自中興以後迄

建安之末大將軍二人將軍九人卿十三人尚公主三人列侯十九人中郎將護羌校尉及刺史二千石數十

百人與位在太傅下三公上

實憲班師還拜大將軍位在三公下置官屬依太尉

憲威權震朝廷公卿希旨

若一敵國

前漢劉孟洛陽人也用人以商賈為

奉憲位在太傅下三公上

若一敵國

前漢劉孟洛陽人也用人以商賈為

資而刺孟任使顯吳楚反時條侯為太尉乘傳東將至河南得刺孟喜曰吳楚舉大事而不求刺孟吾知其無

能為也天下騷動大梁冀上比周霍大將軍以三世姻將軍得之若一敵國

姬援立之功公卿希旨加九錫魏文帝以孫權為大上比周霍官屬倍餘府加九錫將軍吳王加九錫君

為周勃太傅司馬宣王奏免曹爽皇太后詔高文惠假而行大將軍事據爽營太傅謂之曰君為周勃

矣納言左右陳思王輔臣論智慮深奧淵然難測恭以奉上愛以接下納言左右為帝唯曹大將

也清嘯解圖晉書劉琨為并州都督拜大將軍在晉陽嘗為胡騎所圍數重城中窘迫無計琨乃

乘月登樓清嘯賊聞之皆悽然長嘆中夜奏胡笳賊又流涕歔歔有懷土之思向曉復吹之賊並棄圍而走

牙旗折成都王穎以陸機參大將軍軍事太安初穎與河間王起兵討長沙王又假機後將軍河北大

都督督王祥等諸軍二十餘萬機以弱旅入官頻居厚
士之右因辭不可機始臨戎而牙旗折意甚惡之列軍
自朝歌至于河橋鼓聲聞數百里漢魏以來出師之威
未嘗有也長沙王又奉天子與機戰于虎苑機軍大敗
初宣人孟玖弟起並為領所嬖寵起領萬人為小都督
未戰縱兵大掠機錄其至者起將鉄騎百餘人直入機
麾下奪之領謂機曰務奴能作督乎機司馬孫拯勸機
殺之機不能用起宣言於衆曰陸機能反又還書與玖
言機持兩端及戰起不受機節度輕兵獨進而沒玖疑
機殺之遂錯機于穎言有異志將軍王聞等皆玖所用
共證之穎大怒使收機遂遇害于軍中臨刑而嘆曰莘
亭鶴唳豈可復聞乎機既死非其罪士卒痛之莫不流
涕是日昏霧晝合大風折木平地尺雪議者以為陸氏
之冤機之敗也弟雲亦被誅及東海王越之討穎亦以
機雲兄弟枉害觸琳琅與珠玉見太設壇拜韓信前祖
罪狀後檄天下

欲召韓信拜大將何曰王討必東能用信信即留不然
信亡王曰以為大將何曰幸甚王素慢無禮今拜大將
如兒戲耳此信所以去也王必欲拜擇良日齋戒設壇
具禮乃可王許之諸將皆喜人人自以為得大將至拜
乃信一軍皆驚信已拜上坐王曰丞相數言將軍將軍
何以教寡人計策信謝因言大王入武關秋毫無所害
除秦苛法與民約法三章耳秦民無不欲得大王王
王秦者大王當王關中漢王大喜以得信晚

驃騎將軍

前漢書武帝以霍去病為票姚校尉征匈奴累有功寵
冠羣臣始置驃騎將軍秩與大將軍同

後漢百官志將軍不常置驃騎將軍

位次丞相

世祖中興景

丹為驃騎大將軍位在公下明帝初即位以弟東平王
蒼有賢才以為驃騎將軍以王故位在公上數年後罷
有長史司馬各一人

漢書百官表注驃騎將軍漢官也長史司馬各一人金
章紫綬五時朝服武冠佩山玄玉光武中興諸將皆稱
大後天下既定武官悉省

東觀漢記其將軍不常置比公者又為驃騎將軍建武
二十年復置驃騎將軍位次公有長史一人

魏志明帝以大將軍司馬宣王為驃騎大將軍

晉職官志驃騎以下及諸大將軍不開府非持節都督者品秩第二其祿與特進同置長史司馬各一人秩千石主簿功曹史門下督錄事兵鎧士賊曹營軍刺姦帳下都督功曹書佐門吏門下書吏各一人

宋百官志驃騎將軍一人漢武元狩二年始用霍去病為之漢西京置大將軍驃騎將軍位次丞相

南齊百官志驃騎車騎衛鎮軍中軍撫軍四征四鎮將

軍凡諸將軍加大字位從公開府儀同如公凡公督府
置佐長史司馬各一人諮議參軍二人諸曹有錄事記
室戶曹倉曹中直兵外兵騎兵長流賊曹城局法曹田
曹水曹鎧曹集曹右戶十八曹局曹以上署正參軍法
曹以下署行參軍各一人其行參軍與署者為長兼員
其府佐使則從事中郎二人倉曹掾戶曹屬東西閣祭
酒各一人主簿舍人御屬二人加崇者則左右長史四
人中郎掾屬並增數其未及開府則置府亦有佐史其

數有減小府無長流置禁防參軍

隋百官志梁陳皆循齊舊後齊有驃騎車騎衛四鎮四

安等將軍以褒賞勲庸驃騎車騎將軍

二將軍加大者在開國羣公下

後周驃騎大將軍開府儀同三司建德四年改為開府

儀同大將軍仍增置上開府儀同大將軍九命驃騎將

軍正八命隋驃騎將軍

正四品

煬帝改驃騎為鷹揚郎將

正五品

唐職官志驃騎大將軍

武散官從一品

票姚

前漢武帝以霍去病為票姚校尉服虔音飄搖勁疾之貌荀悅漢記作票鷁字去病後為驃騎將軍尚取

票姚之字爾今讀者音飄搖則不當其義也

太守郊迎

去病為驃騎將軍過河東太守郊迎負弩

矢前

衛青門下惟任安不去

武帝令大將軍驃騎將軍皆為大司馬秩祿且等自

是後青日衰而去病日益貴青故人門下多去事去病輒得官爵惟獨任安不去

將萬騎出隴

西有功

去病元狩三年為驃騎將軍將萬騎出隴西有功上曰驃騎將軍率我士騎烏監討遼瀋涉孤

奴歷五王國轄重人眾懾服者弗取幾獲單于子轉戰六日遇馬支山千有餘里合短兵塵舉蘭下殺析蘭王

斬盧侯王銳悍者誅全甲獲醜執渾邪王子及相國都尉捷首虜八千九百六十級收休屠祭天金人師率滅

什七益封去病

一門九侯二十朱輪

李尋為吏帝舅曲陽侯王根為大司

馬驃騎將軍厚遇尋是時多災異根輔政教虛已問尋
尋見漢家有中衰之象其意以為且洪水為災乃說根

曰夫士者國家之大寶功名之本也將軍一門九
侯二十朱輪漢興以來臣子貴盛未嘗至此云云寬博

有謀東觀漢記明帝詔東平王蒼寬博有謀可以托六
尺之孤臨大節而不可奪其以蒼為驃騎將軍

討東甌備水戰之具張廣拜驃騎將軍討東甌備水
戰之具一戰大破所向無前魁

傑雄特秉心平直陳思王輔臣論魁傑雄特秉心平直
威嚴足憚風行草靡戎昭果毅折衝

厥難為司珠玉在側覺我形穢世說驃騎王武子是衛
玠之舅俊爽有風姿見

在側覺我形穢高情避世何驃騎第五以高情避世而
驃騎勸令仕對曰然第五之

稱何必彈壓六戎梁簡文帝讓驃騎揚州刺史表曰常
願侯服就列希同特進之班角巾還

職官分紀
十二

第不統龍驤之賞而天澤無涯名器總集竊以驃騎之
官既為上將神州之重實號中土彈壓六戎冠冕九牧
豈止司隸降節金吾綏騎況復任總皇畿位重連率何
則驃騎之號歷選為重元符之中始自去病永平之建
特授劉蒼齊憲為公主帝與談論屢為前膝後周明帝
時寇雋為
所申吳漢因羣臣之舉帝與談論屢為前膝後周明帝
時寇雋為
驃騎大將軍雋年齒雖高而志識未衰教授子孫必先
典禮帝尚儒重德特欽賞之屢加恩錫思與相見雋不
得已乃入朝常與同席而坐因顧訪洛陽故事雋身長
八尺鬚髮皓然容止端詳音韻清朗帝與之談論屢為
之前膝及為驃還帝親執其手曰公年德俱尊朕所歛
向乞言之事所望於公宜數相見以慰虛想以御與今
於帝前未出顧謂左右曰如此事惟積善者可以致
之何止見重於今亦將傳之萬古時人咸以為榮

當上日我寢處自安

崔彭轉驃騎常與宿衛性謹密在
省閤二十餘年每當上在仗危坐

卿

終日未嘗有怠墮之客上每說君臣戒慎之義又嘗曰

謂曰卿當上日我寢處自安固以絕人頗知學不彭曰臣少愛周禮尚書每於休沐

之暇不敢廢也上曰試為我言之彭因說君臣戒慎之義上殺所乘馬分將士唐劉威武德初以驃騎將軍鎮

稱善拒守城中狼盡逆殺所乘馬以分將士感一無所取馬汁和木屑食之城岳陷者數尺長平王叔良援兵

至仁果解圍而去感與叔良出戰為賊所擒仁果復圍涇州令感語城中云援軍已敗徒守孤城何益也宜早

出降以全家室感許之及至城下大呼曰逆賊饑餓亡在朝夕秦王率數十萬眾四面俱集城中勿憂各自勉

以全忠節仁果大怒執感於城邊埋脚馳騎射殺之至死聲色逾厲賊平高祖購得其屍祭以少牢拔家

人種桑果弃之北史王思政為驃騎將軍不營資產嘗

還見而怒曰匈奴未滅去病解家況大賊未平何望風
事產業命左右拔而奔之故身陷之後家無蓄積望風

惛惛

楊思勗為驃騎大將軍性剛決所得俘囚多生剝
面或髡髮際掣去頭皮將士以下望風惛惛莫敢

視刻石為人馬

丘行恭為左驃騎將軍從太宗討王世充會戰于印山之上太宗與諸騎相失

惟行恭獨從尋有勁騎數人迫及太宗矢中御馬行恭
射之發無不中咸不能前然後下馬拔箭以所乘馬進
太宗行恭於御馬前步執長刀巨躍大呼而出得入大
軍貞觀中有詔刻石為人馬以象行恭拔箭之狀立於
昭陵**食蔗無懼色**梁後畧陸納分衆騎掩襲巴陵晨至
關前城下驃騎始命諸將會議及出壘門

坐胡床以望之賊棄水來攻矢下如雨人情
騷擾莫不震懼驃騎方食甘蔗曾無懼色

車騎將軍

前漢書文帝元年始用薄昭為車騎將軍

灌嬰周亞夫金日磾並為之

後漢書百官志將軍不常置車騎將軍

位次

上卿章帝即位

西羌反故以舅馬防行車騎將軍征之銀印青綬在卿

上絕席還復罷和帝即位以舅竇憲為車騎將軍征匈奴

奴始賜金紫次司空安帝即位西羌寇亂以舅鄧騭為

車騎將軍征之數年復罷靈帝數以車騎寵拜嬖臣又

贈亡人

應劭曰美號加于頑凶印綬汗于腐屍虧國家之舊傷魁武之重昔年有觀被髮之祥知其為

戎今假號雲集不亦宜乎

魏志黃初二年加遼東太守公孫恭為車騎將軍車騎
為都督儀與四征同若不為都督雖持節屬四征者與
前後左右雜號將軍同其或散還從文武之例則位次
三司

晉職官志漢殤帝延平元年鄧騭為車騎將軍儀同三
司及魏黃權以車騎將軍開府儀同三司車騎將軍開
府者皆為位從公車騎將軍位從公者為武官公著武

冠平上黑幘

餘見驃騎
將軍門

宋百官志車騎將軍一人漢文帝元年用薄昭為之魚
豢曰魏世車騎為都督者儀與四征同

餘已見前

晉宋車騎

衛不復為四征所督

南齊百官志

見驃騎將軍門

隋百官志梁陳皆循齊舊後齊

見驃騎將軍門

後周車騎大將

軍建德四年改儀同大將軍仍增上儀同大將軍九命

車騎將軍正八命隋車騎將軍

正五品

煬帝改車騎為鷹

揚副郎將從五品

真將軍

前漢文帝時匈奴大入邊以三將軍備胡上自勞軍至霸上及棘門軍直馳入將以下騎出入

送迎已而之細柳軍士吏被甲銳兵刃殺弓弩持滿天子先驅至不得入先驅曰天子且至軍門都尉曰軍中聞將軍之令不聞天子之詔有項上至又不得入上通使持節詔將軍曰吾將勞軍亞夫乃傳言開壁門士吏請車騎曰將軍約軍中不得驅馳于是天子按轡徐行至中營將軍亞夫揖曰介冑之士不拜請以軍禮見天子為改容式車使人稱謝皇帝敬勞將軍成禮而去既出軍門羣臣皆驚文帝曰嗟乎此真將軍矣向者霸上棘門若銘燕然山後漢南單于請兵北伐乃拜竇憲為見戲爾

銘燕然山

車騎將軍耿東為副與北單于戰于

稽落山大破之追斬名王以下萬三千級于是溫犢頭日逐溫吾夫渠王祁提等八十一部率眾降者前後二十餘萬憲東遂登燕然山去塞三千餘里刻石勒功紀漢威德令班固作銘

推功從事中郎

馮翊字鴻卿長沙蠻冠益陽荆南皆没于是拜翊為車
騎將軍軍長涉進擊武陵蠻夷荆州平定詔賜錢一億
固讓不受振旅還京

位在九卿上絕席

東觀漢記鄧鴻為車騎將軍位

在九卿上絕席漢雜事章帝以城門校尉馬防為車騎將軍位在九卿上絕席

家無餘財

蜀志鄧芝

益州從事張裕善相芝往從之謂曰君年過七十位至大將軍封侯為車騎將軍賞罰明斷善卹卒伍身之衣

食資仰于官不苟素儉然終不治私能與霹靂關

北齊薛孤

延為車騎將軍從高祖西伐至蒲津及寶泰失利高祖班師延後殿且戰且行一日逢浮圖一所雷震火燒高

祖令延視之延乃按稍直前未至四十步震火燒面延大呼繞浮圖走火逆滅延還眉鬚及馬髮尾皆焦高祖

數曰薛孤延可能與不著新衣

世說桓車騎不著新衣浴後婦送新衣與車騎

大怒使人持去婦持還傳語云衣臨哭甚慟梁書韋叡遺侍

中車騎將軍以疾未拜卒萬幾委卿先覽遂賜名隋長孫覽

于家武帝即日臨哭甚慟周武帝在洛與覽親善及即位深加禮焉超拜車騎將軍每公卿上奏必令省讀覽有口辯聲氣雄壯凡所宣

傳百寮屬目帝每嘉歎之覽初名善帝謂之曰朕以萬幾委卿先覽遂賜名焉

衛將軍

左右衛

前漢文帝始用宋昌為衛將軍位亞三司

後漢百官志將軍不常置衛將軍金紫位次上卿有長史司馬

各一人千石

晉職官志左右衛將軍案文帝初置中衛及魏武帝受命分為左右衛以羊琇為左趙序為右並置長史司馬功曹主簿員江左罷長史

王隱晉書羊琇為晉臺左衛將軍

晉中興書虞漳陳晷曹毗毛安之並為左衛將軍

宋百官志衛將軍一人漢文帝元年始用宋昌為之位亞三司章帝建初三年始使車騎將軍馬防為之班同三司班同三司自此始也

沈約宋書左右衛將軍晉文建國所置

南齊書百官志衛將軍

見驃騎門

後魏初加大則次儀同三

司

隋百官志梁左右衛將軍

秩中二千石

後齊

見驃騎門

衛大將軍

加大者在太子太師上

隋左右衛大將軍一人將軍二人有長史

司馬錄事功倉兵騎等曹叅軍法曹鎧曹行叅軍各一人

等員煬帝改左右衛為左右翊衛

六典左右衛大將軍各一人正四品

官品沿革官屬並見左右衛門

鎮南北軍

漢文帝至渭橋羣臣奉天子法駕迎代邸皇帝即夕入未央官拜宋昌為衛將軍鎮南北

軍長安

文帝三年造灌嬰擊匈奴中貌如不武內實

賢明

晉虞潛為衛軍貌如不武內實賢明若富貴作領護各十年

羊琇字推舒景

獻皇后之從父弟涉學有智少與武帝通門相親每接建同席常謂帝若富貴見用作領護各十年帝戲而許之初帝未為太子而聲論不及弟攸文帝素意重攸恒有代宗之議琇密為武帝畫策甚有匡救又觀察文帝為政損益揆度應所顧問之事皆令武帝默而識之其後文帝與武帝論當世之務及人間可否武帝答無不允由是儲位遂定及帝為撫軍琇參軍事帝即王位擢琇為左衛將軍封甘露亭侯帝踐阼累遷中護軍加散騎常侍琇在職三十年典禁兵預機密寵遇甚厚杜預拜鎮南將軍朝士卑賀皆連榻而生琇與裴楷後至曰

壯元凱乃以連榻坐客耶不生而去性豪侈費用無復
齊限嘗屑炭和作獸形以溫酒洛下豪貴共效之然黨
慕勝已其所推奉便盡心無二窮富之徒特能振卹選
用多以得意者居先不盡銓次之理將士有冒官位者
為其致命祿賜班親族吳隱之還左衛將軍雖居清顯
不惜軀命祿賜班親族吳隱之還左衛將軍雖居清顯
衣乃破絮勤委以禁旅晉中興書南頓王宗字延
苦同于貧庶

風格

王坦之字文度顧左衛少府風格尚刑名之學嘗著廢莊論

公事軍筌有虧體

制

宋元嘉十年起居注御史中丞荀伯子責左衛將軍何尚之公事軍筌有虧體制

廉正節槩

有古人之風

隋薛世雄性廉謹凡所行軍破敵之處秋毫無犯帝由是嘉之帝嘗從容謂羣臣曰

我欲舉好人未知諸君識否羣臣咸曰臣等何能測聖心帝曰我欲舉者薛世雄羣臣皆稱善帝復曰世雄廉

正節藥有古人之風於
是起拜右翊衛將軍
罷中書草制唐元和中以朔方節度使王佖為左

衛將軍佖在鎮無智畧以馭下居多猜忌乃殺人以懼
之衆益不附乃召至踰月而授以右衛將軍九將相出

入皆翰林草制謂之白
麻必以貴罷中書草制
延入閣乙夜方出字文士及為右衛大將軍

甚見親顧每延入閣中乙夜方出遇其歸沐乃遣馳召
同列莫與為比然无謹密其妻每問向中使召有何樂

事士及終
無所言
當今名將三人而已薛萬徹為右衛大將軍太宗從容謂近臣曰當

今名將唯李勣道宗萬徹三人而已李勣道
宗不能大勝亦不大敗萬徹非大勝即大敗仗氣凌物

萬徹為右衛大將軍出青丘道伐高麗萬徹在軍仗氣
凌物或奏之及還謁見太宗謂曰上書者論卿與諸將

不協朕錄功棄過不
不令剪去槐樹隋高祖拜左衛大將軍時突厥屢入

冠詔類顯過緣邊及還每坐朝堂北槐樹下聽事其樹不依行列有司請伐之上特不令剪去以示後人見重此二陵百世之誠等索繖為衛將軍三秦人尹桓解武寶愍帝問繖曰漢陵中物何乃多耶對曰漢天子即位一年而為陵天下貢賦三分之一供宗廟一充山陵一供賓客漢武享年久長比葬而茂陵不能容物其樹皆已可供赤眉取陵中物不能減半于今猶朽帛委積珠玉未盡此二陵是儉者爾亦百世之誠也

前後左右將軍

前漢百官志前後左右將軍皆周末官秦因之位上卿金印紫綬漢不常置或有前後或有左右皆掌兵及四

夷有長史秩千石

前漢書昭帝元鳳元年以光祿勳張安世為右將軍

漢書解詁武帝征四夷有左右前後將軍宣元以後雜錯更置或為前或為後或為左或為右雖不出征猶有其官在諸卿上為國爪牙所以揚示威靈於四遠折衝萬里如虎如熊

後漢百官志將軍不常置有前後左右將軍

蔡質漢儀曰金紫位

次上卿典京師兵衛四夷七警

世祖中興前後左右雜號將軍衆多皆

主征伐事訖皆罷

魏志曹洪為文帝所廢明帝即位拜後將軍

晉職官志左右前後軍將軍案魏明帝時有左軍則左軍魏官也至晉不改又置前軍右軍至泰始八年又置後軍掌宿衛是為四軍

宋百官志左右前後將軍周末官秦漢因之光武建武七年省魏以來復置

南齊百官志四安四平左右前後征虜將軍四中郎將

晉世荀羨王胡之並居此官宋齊以來唯處諸王素族
無為者

隋百官志梁左右前後四將軍皆以分司丹禁侍衛左

右陳左右前後將軍石後齊四將軍從四品後周前後左

右將軍正七品

數奇前漢李廣為前將軍從大將軍衛青出擊匈奴青

獲大將軍大將軍使長史急責廣之幕府上簿廣曰諸

校尉亡罪乃我自失道吾今自上簿至幕府廣謂其度

下曰廣結髮與匈奴大小七十餘戰今幸從大將軍出

接單于兵而大將軍徙廣軍行回遠又迷失道豈非天

哉且廣年六十餘終不能復對刀筆之吏失遠引刀自
劉百姓聞之知與不知老壯皆為垂泣初大將軍陰受
上指以為李廣數奇毋圖上方畧趙充國字翁孫為後
今當單于恐不得所欲將軍西羌反上問難
可將者充國時年七十餘對曰無踰老臣上遣問焉曰
將軍度羌虜如何當用幾人對曰百聞不如一見兵難
預度臣願馳至無功失侯公孫賀封南甯侯以左
金城圓上方畧將軍出定襄無功失侯為國

虎臣

辛慶忌字子真為左將軍為國失道贖為庶人趙
虎臣白奴西域親附敬其威信

其為右將軍從大將軍出定明習外國事常惠以明習
襄遠失道當新贖為庶人明習外國事勤勞

數有功為在家上疏傳喜為右將軍傳太后與政喜數
右將軍在家上疏因請

乃拜前方面之勲後漢賈復字君文光武以復敦深入
將軍希令遠征而壯其勇節常自從之故

復少方面之熟復知光武欲偃干戈修文德不欲功臣擁衆京師乃與鄧禹並剽甲兵敦儒學帝深然之遂罷左右將軍復以列侯就第加位特進復既還私第閭門養威重

率宗族賓客二千餘人

世祖自薊東南馳耿純與從昆弟訢宿值其率宗族賓客二千餘人純恐宗家懷異心乃使訢宿歸燒其廬舍

絕其反顧之望世祖拜純前將軍

威震江東

魏志張遼為前將軍屯合肥時孫權復反文帝遣遼

乘舟與曹休至海陵臨江權甚懼焉勅諸將張遼雖病不可當也慎之初遼為孫權所困遼潰圍出後權衆破

走由是威震江東兇帝不肯止其父母呼遼以惡之不與老奴同列

蜀志先主為漢中王遣費

詩拜關羽為前將軍羽聞黃忠為後將軍怒曰大丈夫終不與老奴同列不肯受拜詩謂羽曰夫立王業者所用非一音蕭曹與高祖少親舊而陳韓亡命後至論其班列韓最居上未聞蕭曹以此為怨也今漢中王以一

時之功隆崇于漢室然意之輕重寧當與君侯齊乎王
與君譬猶一體同休等戚禍福共之愚謂君侯不宜計
官號之高下爵位之多少也僕一介之使銜命之臣君
侯不受拜如是便還但相為惜此舉動恐有後悔爾羽
大感悟名望非關馬之倫黃忠欲為後將軍諸葛亮說先
主曰忠之名望素非關馬之
即受拜倫而今使同列馬張在近親見其功尚可喻指關羽遙
聞之恐必不悅得無不可乎先主曰吾自當解之遂與
關羽等同行丞相事諸葛亮上疏曰臣以弱才叨竊
賜爵關內侯
訓章明法臨事而懼至有街亭違命之關斜谷不戒之
失咎皆在臣授任無方恤事多闇春秋責帥臣職是當
請自貶三等以督厥咎於是以前武力過人魏志張遼
字文遠本
為右將軍行丞相事所總統如前
羸壹之後避怨變姓少為郎吏當以功自效徐晃字公
明為右將
武力過人文帝即位轉前將軍

軍性儉約畏慎常遠斥候歎曰古人**將相之器**東觀漢記賈復

患不遭明君今幸遇之當以功自效

治尚書事舞陰李生奇之謂門人曰賈生容貌志意如

是而勤于學此將相之器徵詣洛陽拜左將軍南擊赤

眉轉戰有功又擊

劉盆子于澠池破之**宜在爪牙**漢書雜事曰何武薦辛慶忌宜在爪牙乃拜為

右將**樂為邊將**晉中興書郭默為右將軍默既遠人樂為邊將不願內轉謂劉庠曰我能禦胡

而不用更用虛名者且右軍主禁兵禁兵不妄出

有急方始配給兵將無素是謂棄之安能不亂**不樂**

京師王羲之幼訥于言人未之知年十三嘗見周顒顒異之時重牛心炙座客未啖顒先割啗之羲之于

是聞名及長尤善草隸書為今古冠絕果遠為右將軍

不樂京師遂往會稽與謝安孫綽等尋遊處山陰有道

士好養鵝羲之意甚悅道士云為寫道

德經當舉羣相贈乃為寫畢籠鵝而去**通理有才義**晉起

職官分紀

居注山濤啟事右將軍
瞻虎
南史谷楷稱有幹局遭右將
軍指眇一目而性甚嚴急

時人號
為瞻虎

中軍將軍

前漢書馮奉世字子明元帝以為中軍將軍屯首陽

魏志曹真持節督中外諸軍事受顧命

王隱晉書太始元年以羊祜為中軍將軍總宿衛

為君不顧萬死

北齊書後苑之敗崔仲文捋馬尾以渡
河波中乍沒乍出高祖望見之曰崔掾

也遂遣船赴接既濟勞之曰卿為君不顧
萬死可謂家之孝子國之忠臣加中將軍

鎮軍將軍

魏志甘露元年以石苞為鎮軍將軍

沈約晉書齊王攸為鎮軍在驃騎上後復舊

錄尚書事

魏黃初七年文帝以陳羣為鎮軍大將軍錄尚書事受顧命

撫軍將軍

魏志黃初四年以司馬宣王為撫軍將軍

輔政

魏齊王嘉平三年以司馬

胤跡

語林簡文為撫軍時坐床上生塵不

聽左右拂去見胤行跡視以為佳有參軍見胤以手扳格殺之撫軍曰無乃不可乎

四征將軍

後漢獻帝初平三年以馬騰為征東將軍光武建武中
以馮異為征西大將軍二年置征南將軍以馮異為之
魏明帝太和中置征北將軍以劉靖為之黃初中位次
三公

宋百官志魚豢曰四征魏武帝置秩二千石黃初中位
次三公漢舊諸征與偏裨雜號同

沈約宋書衡陽王義季為征北大將軍

南齊百官志

見驃騎門

隋百官志梁以四征

南東西北止施外

四中

軍衛撫護止施內

為二十

三班陳四征擬官品第二

秩中二千石

後齊

見驃騎門

四征將軍

正二品加大者次位大將軍

後周征東征西征南征北將軍八命

後魏書司馬景之字洪畧明帝時封蒼梧公加征南

大將軍

征赤眉

東觀漢記建武二年馮異為征西將軍入關征赤眉

單于聞喪驚面

耿恭為征

西將軍鎮撫軍于以下及薨南軍于以國發喪驚面流血

身先陷陣

魏志張遼字文遠為征東將軍

征孫權被甲持戟身先一作
先登陷陣衝至麾下

守漢中

夏侯淵字妙才為
征西將軍守漢中

清忠儉約

滿寵字伯寧為征東將軍詔曰君典兵在外
專心憂公賜田十頃穀五百斛錢二十萬以

明清忠儉
從征討

夏侯尚字伯仁文帝與之親友太祖
定冀州尚為軍司馬常從征討還征

南將為將奉法

曹仁為征南將軍鄢陵侯彰北征馬九
文帝在東宮為書戒彰曰為將奉法不

當如征
仗節屯一城

杜恕為幽州刺史時征北將軍程
喜屯薊尚書袁侃等誡恕曰程申

伯今俱仗節共屯一
城宜深有禮以待之

真人

曹仁字子孝為征南將軍
從武帝平荊州仁屯江陵

拒吳將周瑜瑜將數萬人來攻仁被甲上馬將麾下壯
士十數騎直前衝入賊圍賊眾乃退三軍壯其勇皆歎

日將軍真
天人也

座無空席門不停賓

晉王渾平吳轉征東大
將軍復鎮壽陽渾不尚

刑名處斷明允時吳人新附頗懷畏懼渾撫循弱族虛懷綏納座無空席門不停賓于是江東之士莫不悅附

乘輦入殿無下拜

羊祜為征南將軍寢疾求入朝既至洛陽會景獻宮車在殯哀慟至篤中

詔中瑜扶疾引見命乘輦涕淚霑鬚皆為冰

羊祜為征南大將軍

都督荊州諸軍事及薨武帝素服哭之甚哀是日大寒帝涕淚霑鬚皆為冰馬詔無下拜

三十國

春秋征南大將軍羊祜來朝有疾詔無下拜祜密陳伐吳之計還鎮又上表陳之納而不宣也會祜疾甚上遣

中書令張華就問策祜陳謀畫舉杜預自代從之

彈薦

後魏書李惠為雍州刺史征南大將軍惠長于

思察雍州聽事有鶯爭巢閣已累四惠令人掩獲試命網紀斷之並解曰此乃上智所測非下愚所知惠乃使卒以的竹彈兩鶯既而一去一留惠笑謂吏屬曰此留者自計為巢功重復去者既經楚痛理無固心羣下伏

其深 摧鋒陷陣

陸其少善射數從征伐所在摧鋒陷陣前後以功為征西將軍

一箭

射穿旗首

吳國劉信吳王闓國加征南大將軍後唐莊宗即位遣諫議大夫薛昭文冊闓王假遣豫

章信勞之謂昭文曰皇帝知有信否昭文曰主上新有河南未熟公之名信曰漢有韓信吳有劉信異代其人

也因指手旗銳首舉危酒以屬昭文曰射中此願公飲一箭而穿之

四鎮將軍

魏志文帝即王位以曹真為鎮西將軍

宋百官志江左以來將軍則中鎮撫四鎮以上或加大

鎮東將軍一人後漢末魏武帝為之鎮南將軍一人後

漢末劉表居之鎮西將軍一人後漢初平三年韓遂居之鎮北將軍一人魚豢曰鎮北魏黃初太和中置中鎮撫三號比四鎮

南齊百官志

見驛騎門

隋百官志梁以八鎮

東南西北左右前後

為二十二班陳八鎮擬

官品第二

秋中二千石

後齊

見驛騎門

四鎮將軍

加大者次四征

以壯勇聞

魏志臧霸字宣高亡命東海以壯勇聞太祖募索得霸見而悅之以為琅邪相文帝即位

遷鎮東

追蹤陳韓

黃權字公衡伐吳敗于白帝後附魏文帝曰君捨逆歸順欲追蹤陳韓邪

權曰臣降吳不可歸蜀無路惟恐歸命敗軍之將免死為幸何古人可慕帝善之拜鎮南將軍還金城

蜀志馬超父騰靈帝末與邊章韓遂俱起事於西州初平三年遂騰率眾詣長安漢朝以遂為鎮西將軍遣還

金城騰為征西請吞偏將十萬之眾魏延為鎮遠將軍將軍也即即先主大會羣臣問

延曰今委卿以重任卿居之欲云何延對曰若曹操舉天下而來請為大王拒之偏將十萬之眾至請為大王

吞之先主稱善眾咸壯其言築臺為京觀魏延為鎮先主踐尊號拜鎮北將軍西將軍既破

蜀于綿竹築臺以為京觀用彰戰功士卒死事者皆與蜀兵同共埋藏艾深自矜伐謂蜀士大夫曰諸君賴遣

集故有今日如遇吳漢之徒已殄滅矣又曰姜維自一時雄兒也與某相值故窮爾有識者笑之定交

州討九真吳志呂岱既定交州進討九真斬獲萬數又遣從事南宣國化及徼外蠻夷扶南林邑諸

王各遣使奉貢權嘉黃中通理博識多聞吳錄劉表黃其功進拜鎮南將軍

多聞至鎮賦弩文士傳吳朝鴻臚卿張儼議郎張純鎮南將軍朱異三人共詣驃騎將軍朱據

據曰三賢屈顧老鄙各為賦一物然後乃坐乃各賦所見異賦弩曰南岳之幹鍾山之銅應機命中獲的高壙

都督河北軍事

魏氏春秋許元字士宗為鎮北將軍都督河北諸軍事

兵威如破

竹

晉杜預字元凱征南將軍羊祜病舉預自代及祜卒拜預為鎮南大將軍都督荊州太康中陳兵于江陵

備江西上旬日之間累寇城邑吳都督孫歆與伍延書曰北來諸軍乃飛渡江也既平上流于是沅湘以南至

于交廣吳之州郡皆望風歸命奉送印綬議者或曰百年之寇未可盡克今向暑水潦方降疾疫將起宜俟來

冬更為大舉預曰昔樂毅藉濟西一戰以并強齊今兵威已振譬如破竹數節之優皆迎刃而解無復著手處

也孫皓既平振旅凱還**繕兵甲耀威武**預為鎮南將軍繕兵甲耀威武乃簡

猜銳襲吳西陵都督張政大破之以功增封三百六十戶政吳之名將也據要害之地耻以無備取敗不以

所喪之實告于孫皓預欲間吳邊將乃表還所獲之衆于皓皓果召政遣武昌監劉憲代之故大軍臨至使其

將帥移易以成傾蕩之勢預**功重報輕**王濬平吳時人處分既定乃政請伐吳之期

經博士秦勇等並表訟濬**帝過其子**何曾為鎮北將軍之屈帝乃遣鎮軍大將軍**帝過其子**文帝使武帝齊王

攸送之帝又過其子劭曾先勸劭容必過汝汝當預**討**嚴助不冠帶停帝良久曾深以撻助曾見崇重如此

平蜀賊唯收圖書應詹遷平南太守鎮南將軍山簡復假詹督五郡軍事蜀賊作亂討平之

金寶充溢詹一無所取**拓平西夏方隅清晏**魏志鍾會唯收圖書莫不歎之

軍假節都督關中諸軍事詔曰會所向推獎前無疆敵
鉗制衆城固羅遺逸蜀之豪帥而縛歸命謀無遺策舉
無廢功凡所降誅動以萬計全勝獨克有征
無戰拓平西夏方隅清晏其以會為司徒
待以上客
後魏唐和詣闕世祖優之待以上客
高祖以和歸誠先朝拜鎮南將軍

四安將軍

謝承後漢書光武以岑彭為安南將軍

晉公卿禮秩世祖以扶風王駿為安東將軍

宋百官志安東將軍一人後漢末陶謙為之安南將軍
一人安西將軍一人後漢末段熲為之安北將軍一人

魚豢曰鎮北四安魏黃初太和中置

南齊百官志

見左右前後將軍門

隋百官志梁以八安

東南西北止施外左右前後止施內

為二十一班陳

八安將軍擬官品第三

秩中二千石

後齊

見驃騎門

四安將軍

品三

從討馬超

魏志曹仁字子孝少好弓馬弋獵後豪傑並起仁亦陰結少年周遊淮泗之間遂從太祖

為別部司馬太祖討馬超以仁行安西將軍

伐吳

王隱晉書武帝代吳以王渾為安東將軍

神情

秀徹

沈約宋書廬陵王義真美儀貌神情秀徹為安西將軍

幸新亭視發引

劉秀之少

孤貧有志孫為齊安北將軍雍州刺史上車駕幸新亭視秀之發引

四平將軍

宋百官志四平魏世置

沈約宋書臨川王義慶為平西將軍

隋百官志梁以四平

東南西北

四翊

左右前後

為二十班陳四平

擬官品第三

秩中二千石

後齊四平將軍

正三品

後周平東平

西平南平北等將軍正七命

征冀州

魏志太祖征冀州張燕求佐軍拜平北將軍

城中震怖

蜀志馬超聞先主圍劉璋

于成都密書請降先主遣人迎超超將兵徑到城下城中震怖璋即稽首以超為平西將軍

兵不血

刃

晉書乙亥招進王濬為平東將軍假節都督益梁諸軍事濬兵不血刃攻無堅城夏口武昌無相支抗

鐵猛獸

後周書蔡祐為平東將軍與齊神武戰于芒山祐時著明光鐵鎧所向無敵齊人咸曰此是威

猛獸也

在州有惠政

梁書蘭欽進號平南將軍改封曲江公在州有惠政吏民詣闕請立

碑頌德

請立碑

夏侯重進號平北將軍卒于鎮州人夏侯簡等表請為重立碑

中將軍

附中軍將軍

偏將軍

歸心世祖

范曄後漢書吳漢家貧販馬自業素聞世祖長者獨欲歸心及世祖于廣阿拜漢偏將軍

諸將多稱勇

城宮從世祖征戰諸將多稱勇世祖至河北以為偏將軍

長八尺三寸

姚期長八尺三寸容貌絕長七尺七寸

吳志陳武字子列孫策在壽春

武往修謁時年十八長七尺七寸尤為權所親愛為偏將軍長八尺武力過人

長八尺武力過人
拜偏將軍

裨將軍

為先登破張繡軍

魏志李通字文達以游俠聞于江汝之間屬連歲大穢通傾家振濟與士

分糟糠建安初通舉眾詣太祖于許太租討張繡通為先登大破張繡軍拜裨將軍

軍府官屬

掾屬

正曰掾副曰屬
沿革各見諸將軍本門

處士年少

後漢實憲為車騎將軍辟崔駰為掾憲府貴重掾屬三十人皆故刺史二千石唯駰以處

士年少擢在其間其察佐故事如太尉

清白方正

東觀漢記吳良以清白方正稱驃騎東平王蒼

辟為西曹掾數諫正蒼多善策蒼上表薦良

義士

朱暉字文季驃騎將軍東平王蒼辟為掾正月朔旦

蒼當入賀故事少府給璧是時陰就為府卿貴驕吏傲不奉法蒼坐朝堂渴且盡而求壁不可得顧謂掾屬曰

若之何暉望見少府主簿持壁即往給之曰我數聞壁而未嘗見試請觀之主簿以授暉暉顧呂令吏奉之主

簿大驚遽以白成就曰朱掾義士勿復求更以他璧朝蒼既罷召暉謂曰屬者掾自視孰與蒯相如帝聞壯之

及帝幸長安欲嚴宿衛故以暉為衛士

馬氏五常白眉最良

蜀志馬良字季常為將軍

掾後使吳良謂亮曰今衛國命協穆二家幸為良介子孫將軍亮曰君試自為文良即為草曰寡君遣掾馬良

通聘繼好以紹昆吾。吾友章之熟奇人。吉士荆楚之令鮮
于造次之華。而有克終之美。願降心存納。以慰將命。獲
敬待之。良兄弟五人。並有才名。鄉里為之謗。曰馬氏五
常白眉。最良良眉。中有白毛。故以稱之。先主稱尊號。良
為侍。後進領袖有裴秀。王隱晉書裴秀字季彦。少好學
精取掾屬辟秀為掾。官至司空。始秀年十餘歲。叔父徽
有名賓客。詣徽出。則遇秀。時人謠曰。後進領袖有裴秀。
但如卿。自中吾吏。唐彬字儒宗。果遠別駕。奉使詣相府。
軍孔穎穎忌其能。不答。陳騫曰。彬之為人。勝騫甚遠。相
國笑曰。但如卿。自中吾吏。何論于勝。辟彬為鎧曹。轉騎
掾。有重名。晉中興書王坦之字文度。弱冠以朗寤稱。晉
公讚溫美字長卿。少以朗寤稱。初鎮軍大。清通簡要。陽
將軍齊王攸辟以為掾。其後遷太子洗馬。

秋裴楷與王戎俱為太祖將軍掾太祖問鍾會對曰裴楷清通王戎簡要晉興山濤和嶠王濟等並以盛名居

顯鷹鷂之爪

殷氏家傳泰字子平為太皇車騎掾委以書記上數曰非唯秋兔之毫乃是鷹鷂之

爪問祖考而識其父

魏畧全執邵在武安毛城中會太祖攻破郭遂圍毛城破邵等輩十

餘人皆當新太祖聞見之疑其衣冠也並除幕府

前漢書王問祖考而識其父乃解秩署軍謀掾

鳳為大將軍東政蕭高才博通清淨樂道

東觀漢記杜育朱博並除幕府屬

才博通清淨樂道舉動以禮縣騎將軍東平王蒼辟撫署西曹屬深加敬異

言鍾會取艾不足自行

魏志即悌字元伯辟大將軍文王西曹屬初文

王欲遣鍾會伐蜀悌求見曰今遣鍾會率十餘萬眾伐蜀愚謂會單身無重任不若使餘人行及會白

鄧艾不執文王將自西梯復曰鍾會所統五六倍于鄧

艾但勅會取風情都雅過于所聞晉書庾亮隨父在會稽疑然自守時人皆

憚其方正儼然莫敢見之元帝為鎮東時聞其名辟西曹掾及引見風清都雅過于所聞甚器重之

祭酒

後漢建安三年曾公還許初置此官

召見論天下事

魏志郭嘉字奉孝時潁川戲志才籌畫士也太祖甚器之早卒太祖與荀彧書

曰自志才亡後莫可與計事者汝潁固多奇士誰可以繼之或薦嘉召見論天下事太祖曰使孤成大業者必

此人也嘉出亦喜曰真吾主也表為司空軍諮祭酒幸宅同乘晉書紀瞻字思遠元帝為安東將軍

引為軍諮祭酒轉鎮東長史懼法而至東觀漢記東平帝親幸瞻宅與之同乘而歸王蒼為驃騎將

軍開東閣迎名士與參政事鴈門郭忠隱居教授辟祭酒甚見禮敬後朝會漢明武之曰先帝徵君不來驃騎

辟君而來何也。他曰：先帝秉德以惠下，臣可得。以禮進退，驃騎執法御下，臣懼法而至。

功曹

收葬鍾會

漢晉春秋：何雄字茂伯，為鎮西將軍。鍾會功曹及會諫，雄收而葬。

多才藝

晉中

與書羅企生：少多才藝，殷仲堪鎮江陵，以為府功曹。

清介

王述素清介，康帝為驃騎將軍，收為功曹。

新

婦

夷陽者，舊傳山簡以習蝦才博有文章，為征南功曹。舉大綱而已，不拘文法。時人號曰新婦，簡益器之。

妙選

嵇喜字公穆，晉武為撫軍，妙選官屬，以喜為功曹。

主簿

披荆棘定關中

東觀漢記：光武引進馮異，謂公卿曰：是我起兵時主簿，為吾披荆棘定關中。

奏記數十

華嶠後漢書崔駰為大將軍實憲府主簿及憲學句奴路中愈多不法前奏記數十上

指功其短長憲不能容稍疎之因察駰高第出為各為

其主

世語楊綽為大將軍曹真主簿與將誅及解印綽將出綽止之曰公挾主握權舍此以至東市乎不

從有司奏綽專與反宣王曰各諫法嚴峻

邵氏家傳邵

為其主也宥之以為尚書郎

驃騎主簿教誅法

京都三

明晉中興書諸葛恢字道明弱冠知名元帝為安東將

軍召補主簿于時穎川荀闓字道明陳留蔡謨亦字道明俱有名譽號中興三

明時人為歌曰京都三

名蔡氏儒

器宇宏深名出我右

何充字次道少有名望大將軍王敦以震主之

雅荀葛清

權收羅賢俊辟以為掾轉主簿始充年在童亂伯父謂之曰我小兒時亡伯車騎謂我後當與伯父爭名汝今

器宇宏深亦多所規諫
當名出我右
臧榮緒晉書任續字仲元為

參軍

并參三軍

魏志于禁也穎陰樂進也陽翟張遼也長社長社諸將任氣多不協使趙儼并參三軍每

事訓諭遂射箭飛書
以議郎參仁軍事儼謂諸將曰今

賊猶盛我徒卒軍少而仁隔絕不得同力不若前軍偏

國遣謀通仁使知外救以勵將士然後表裏俱發破賊

必失諸將皆喜便作地道征南
晉王濬參征南軍安東

射箭飛書與仁乃通消息王
王濬參晉文賜爵
荀勗參晉文帝大將武昌
王戎為建

帝安東軍事劉喬為參軍伐吳之役戎使
喬與參軍羅尚潘江破武昌似是馬曹
王徽之字子猷性卓犖不羈為

司馬桓溫參軍蓬首散帶不綜府事又為車騎桓沖騎
兵參軍沖問曰卿署何曹對曰似是馬曹又問管幾馬
曰不知馬何由知數又問馬比死多少曰未知生馬知
死嘗從沖行值暴雨歲之下馬排入車中謂曰公豈得
獨擅冠絕當時顧延之為始與王濬後軍諮驛參軍延之文韋冠絕當時驛參軍郝
一車為大司馬桓溫參軍與主簿王珣並為溫所重府中語
曰驛參軍短主簿能令公喜能令公怒謝安王坦之嘗
詣溫論事溫令起帳中卧聽之風動入幕之賓上龍山
帳開安笑曰郝生可謂入幕之賓也
之燕孟嘉為桓溫參軍九月九日燕龍山寮佐畢集有
風至吹嘉帽墮落嘉不之覺溫使左右勿言欲觀
其舉止嘉良久如廁溫令取還之命孫盛作文嘲黃散
嘉著嘉坐處嘉還見即答之其文甚美四坐嗟嘆
晉以劉隗為鎮北將軍外以討胡寶鼎王敦也及敦率
眾內向以誅隗為名上疏曰劉隗外託舉義內自封殖

奢借過制乃以黃散為參劉弘為荊州刺史將軍晉魏以來未有此比也繼老夫之官辟陶侃為南蠻長史遣先向襄陽討賊破之弘既至謂侃曰吾昔為羊公參軍謂吾其後當居身處今相觀察必繼老夫矣侃後果為荊州刺史羊公祐也嘗為荊州其後當居身處上畏不敢辭晉中

郭璞為尚書郎大將軍王敦以不問格關之罪中宋為璞有術取為參軍璞畏不敢辭

周訪為參軍在散輩中未之識也府進鎮東隨例為參軍時參軍譙國有罪當死吏誤收訪訪自列無罪而吏

不察訪窮迫乃身自執木杖奮擊收捕數十人皆披二散訪得逸走歸府自明中宗大驚怒不問格關之罪

府交命

燕峻反范汪逃西歸時庾亮溫嶠屯兵尋陽咸以眾少賊彊未敢輕進且信使阻絕不相知

及經汪過嶠等訪焉汪曰賊政令不一貪暴縱橫滅亡已兆雖強易弱朝廷有倒懸之急宜時進討嶠深納之

是日護軍平南二府禮命蓬髮飲酒阮孚咸子也避亂渡江中宗以為安

交至始釋褐參護軍軍事

東參軍蓬髮飲酒盛德絕倫郝景興
郝超字景興少卓聲不羈有曠世之

不以上務嬰心

度偶儻高雋籠蓋當時人為之語曰揚州獨步王文
度或德絕倫郝景興交遊士林每存勝技又精于理義

大司馬桓溫才幹堪任當今之良器薛兼為軍祭酒言于中宗曰臣邑人

取為參軍

張闓才幹堪任當今之良器顧岳引納
以綜朝事中宗即召闓為安東參軍智度沈邃言必

有中李膺容貌簡素顏然若不足者而智度沈邃言必

雖參軍其實帥魏志曹休劉備遣將吳蘭也下辨太祖遣曹洪征之以休參洪軍事太祖謂休

曰汝雖參軍其實帥也

洪聞此令常委事于休

之間

太祖征馬超文帝留守使程昱參軍事田銀蒯伯等反河間遣將軍賈信討之賊有千餘人請降議

者皆以為宜如舊法昱曰請降之意臣以為不可誅也縱誅之宜先啟聞衆議曰軍事有奇無請昱不答文帝起入特引見昱昱曰凡壽命者謂有臨時之急呼吸之間者耳今計賊制在賈信之手無朝夕之變故老臣不願將軍行之也文帝曰君慮之善即白太祖太祖果不誅太祖還問之甚悅謂昱曰君豈徒明于軍計又善處人父負氣傲俗宋書王瞻字明遠一字叔鷹負氣傲子之間負氣傲俗俗好貶裁人物仕宋為主府參軍嘗詣劉彥節直登榻曰君侯是公孫僕是公子引身被重滿促膝唯余二人彥節外跡雖辭之意甚不悅

創

沈攸之新亭之戰身被重創事畢為太尉行參軍

不敬府主

孫楚才藻卓絕典邁不羣多所

陵傲缺卿曲之譽年四十餘始參鎮東軍事後遷著作郎復參石苞驃騎軍事楚既負其才氣頗侮易于苞初

至長揖曰天子命我參卿軍事因此嫌隙初參人倫師

表

蔡興宗為郢州舉沈約為安西外兵參軍兼記室與

州約又為隨問酬辯

沈約宋書謝晦初為孟昶建威府

昶軍誰堪入府穆之舉晦即命為太尉參軍武帝嘗決

獄其旦刑獄參軍有疾以晦代之相府多事獄繁殷積

我府四字

宗越隨柳元景

武帝嘉之即署刑獄賊曹我府四字侵魏顧焉惶隊

隸柳元怙有戰功還補後軍參軍督護隨王誕戲之曰

汝何人遂得我府四字越答曰佛狸未死何為不得語

議參軍割鵝炙齊劉琨為武陵王征虜參軍王與寮佐

誕大笑割鵝炙飲酒自割鵝炙琨曰應刃落俎是膳夫

之事殿下親執鷹刀下官未敢安席因起請進琨兄璉

嘗夜隔壁呼琨琨不答下床著衣立然後應璉怪其久

建日向來帶未竟其立操如此

專主文翰

梁史武帝霸府初開以任防為驃騎參軍記室專主文翰

初武帝與防遇竟陵王西邸從容謂防曰我登三府當以卿為記室防亦戲帝曰我若登三事當以卿為騎兵

以帝善騎也至是引防符音言焉

訪問遺忘

劉香博錄羣書梁天監中為豫章王行參軍沈約任

防以下每有遺忘皆訪問焉

風儀方嵇康

伏曼容字公儀連驃騎將軍宋明帝好周易嘗集羣

臣于清暑殿講詔曼容執經曼容素有風儀帝嘗以方嵇康使吳人陸探微畫嵇康像以賜之

東南豪

士沈警字世聞博篤有行業後將軍謝安命為參軍甚相敬重警東南豪士不樂就職安固留不止乃謂沈

參軍卿有獨善之志不亦高乎警曰使君以道御物前所以懷德而至既無用佐時故遂飲啄之願爾還家積

義以素自誤焉**西山朝來致有爽氣**

世說王子猷作桓公車騎參軍桓謂王曰卿在府久

比當相料理初不答直高視以手
板柱頰云西山朝來致有真氣
作蠻語郝隆為桓公南蠻參軍三

月三日作詩不能者罰酒三升隆初不能受罰既飲攪
筆便作其一句云椒隅躍清池桓問椒隅是何語答曰

蠻名魚為椒隅桓公曰作詩何以蠻語隆答曰
每言輒

盡

俗說諸葛亮與軍師長史參軍掾屬教曰任重才輕
固多闕漏前參軍董幼宰每言輒盡數有諫言雖資

性鄙薄不能悉納幼宰參署七年事有不至至
于十反來相啓告苟有忠於國亮可少過矣
扶直繩

違

孫綽為功駿參軍駁事牋曰綱紀居管轄之任以純
司外內駿議彈射誠無所拘然亦以獻可替否扶直

繩連在北曰狐在南曰貉後秦說姚襄違參軍薛瓚使
桓溫溫以胡戲瓚瓚曰在北

曰狐在南曰體中癡點各半文章志顧愷之字長康博
格何所問也學有文章性達純為桓溫

參軍甚被親近溫嘗語人曰愷之體中有疵點各半合而論之只得平爾

記室

腹心之任

魏志太祖以陳琳阮瑒管記室軍國書檄多琳瑒所作于時鍾會以中郎在大將軍府管

記室事為腹心之報答書記

典畧阮瑒字元瑜曹洪聞其有才既使報答書記瑒

不肯榜笞瑒終不至洪以語曹公公知其無病使人呼瑒瑒惶怖放杖詣門公見之謂曰卿不肯為洪且為我

作之瑒曰諾

專主文翰

見參軍門以稱職見知晉書孔衍字舒元元帝引

為安東參軍專掌記室書令

昆季總文房之職

南史梁建安王

為雍州刺史表求管記以江革為征北記室參軍與弟觀少長共居不忍離別苦求同行以觀為征北行參軍

兼記室時吳興沈約樂安任昉與草書云比聞雍府妙選英才文房之職總卿昆季可謂馭二龍於長途騏驎於千里途馭二龍於長途上

從事中郎

遺二婢

晉書祖納字士言最有操行能清言文義可觀性至孝少孤貧常自炊爨以養母平北將軍王

敦聞之遣其二婢辟為從事中郎有戲之曰才器雋秀奴價倍婢納曰百里奚何必輕于五段皮耶

晉中興書謝萬少有才器雋秀大方直儒雅王隱晉書宗聞其名取萬為撫軍從事中郎

儒雅為衛將志越其疇三輔決錄鄭達字文信累辟不軍從事中郎志就大將軍何進表為從事中郎

錄曰文信超然志越其疇

舍人

漢書爰盜為將軍呂祿舍人

壯勇

前漢田叔字子仁以壯勇為衛將軍舍人

占對

開雅聲氣如流

占對

開雅聲氣如流

典畧邊讓字文禮大將軍何進聞其名欲以禮辟恐不肯來乃使以

軍事召之到署令吏進以禮見之讓占對開雅聲氣如流時坐客百數皆高慕之

職官分紀卷三十三

欽定四庫全書

子部

職官分紀卷三十五

詳校官中書

臣沈鳳輝

侍讀臣孫球覆勘

總校官編修

臣王燕緒

校對官編修

臣吳舒帷

謄錄監生

臣
作朗

欽定四庫全書

職官分紀卷三十四

宋 孫逢吉 撰

雜號將軍

後漢百官志明帝初置度遼將軍以衛南單于衆新降

有二心者後數有不安遂置為常守

應劭漢官儀曰度遼將軍孝武帝初

用范明友明帝十八年行度遼將軍事安帝元初元年

置員銀印青綬秩二千石長史司馬六百石東觀書曰

司馬二人

晉職官志驍騎將軍遊擊將軍並漢雜號將軍也魏置為中軍及晉以領護左右衛驍騎遊擊為六軍

宋百官志漢末奮威將軍晉江右伏波輔國將軍並加大而儀同三司

沈約宋書吳置輔吳將軍班亞三司

南齊百官志冠軍輔國寧朔寧遠龍驤凡諸小號亦有置府者驍騎遊擊晉世以來謂領護至驍遊為六軍積射彊弩殿中員外殿中武衛將軍謂之西省鎮蠻安遠

護軍晉世雜號多為郡領之

隋百官志梁天監初武帝命更加釐定於是有司奏置

一百二十五號將軍以鎮衛驃騎車騎為二十四班

內外

通用

四征

東西南北止施外

四中

軍衛撫護止施內

為二十三班八鎮

東南

西北止施在外左右前後止施在內

為二十二班八安

同上為二十一班四

平

東南西北

四翊

左右前後

為二十班凡三十五號為一品是為

重號將軍忠武軍師為十九班武臣爪牙龍騎雲麾為

十八班

代舊前後左右四將軍

鎮兵翊師宣惠宣毅為十七班

代舊

四中 十號為一品智威仁威勇威信威嚴威為十六班

代舊 征虜 智武仁武勇武信武嚴武為十五班 代舊 冠軍 十號為

一品所謂五德將軍者也輕車征遠鎮朔武旅貞毅為

十班 代舊 輔國凡將軍加大者唯至貞毅而已通進一

議諸曹有錄事記室等十八曹天監七年 寧遠明遠威遠

更置中錄事中記室中直兵參軍各一人 電耀威耀為十三班 代舊 寧朔 十號為一品武威武騎武猛

壯武颺武為十二班電威馳銳近鋒羽騎突騎為十一

班號為一品折衝冠武和戎安壘猛烈為十班掃狄雄

信掃虜武銳摧鋒為九班十號為一品畧遠貞威決勝
開遠光野為八班厲鋒輕銳討狄蕩虜蕩夷為七班十
號為一品武毅鐵騎樓船宣猛樹功為六班克狄平虜
討夷平狄威戎為五班十號為一品伏波雄戟長劒衝
寇雕騎為四班攸飛安夷克戎綏狄威虜為三班十號
為一品前鋒武毅開邊招遠金威為二班綏虜蕩寇殄
虜橫野馳射為一班十號為一品凡十品二十四班亦
以班多為貴其制品十取其盈數班二十四以法氣序

制簿悉以大號居後以為選法自小遷大也前史所記

以位得從公故將軍之名次于台槐之下至是備其班

品叙于百司之外其不登二品應須軍號有牙門

代舊建威

為八班候騎

代舊振威

熊渠

代舊振武

為七班中監

代舊奮威

典戎

代舊

奮武為六班戈船

代舊揚威

繡衣

代舊揚武

為五班執訊

代舊廣威

行陣

代舊廣武

為四班鷹揚為三班陵江為二班偏將軍裨將軍

為一班凡十四號別為公班以象八風所施甚輕又有

武安鎮遠雄義

擬車騎

為二十四班四撫

東南西北為四征

為二

十三班四寧

東西南北
擬四征

為二十二班四威

東西南北
擬四安

為

二十一班四綏

東西南北
擬四平

為二十班凡十九號為一品

安遠安邊

擬忠武
軍師

為十九班輔義安沙衛海撫河

擬武
臣等

四號為十八班平遠撫朔寧沙航海

擬鎮兵
等四號

為十七班凡

十號為一品朔海朔野拓遠威河龍幕

擬智威
等五號

為十六

班威隴安漠綏邊寧寇梯山

擬智武
等五號

為十五班凡十號

為一品寧境綏河明信明義威漠

擬輕車
等五號

為十四班安

隴向義宣節振朔候律

擬寧遠
等五號

為十三班凡十號為一

品平冠定遠陵海寧隴振漢

擬武威等五號

為十二班馳義橫

朔明節執信懷德

擬電威等五號

為十一班凡十號為一品撫

邊定隴綏關立信奉義

擬折衝等五號

為十班綏隴寧邊定朔

立節懷威

擬掃狄等五號

為九班十號為一品懷關靜朔掃寇

寧河安朔

擬畧遠等五號

為八班楊化超隴執義來化度嶂

擬厲

鋒等五號

為七班凡十號為一品平河振隴雄邊橫沙寧關

擬武毅等五號

為六班懷信宣義弘節浮遼鑿空

擬克狄等五號

為五班

凡十號為一品橫海款塞歸義陵河明信

擬伏波等五號

為四

班奉忠守義弘信仰化立義

擬飛等五號

為三班凡十號為

一品綏方奉正承化浮海度河

擬先鋒等五號

為二班懷義奉

信歸誠懷澤仗義

擬綏虜等五號

為一班凡十號為一品大凡

一百九號將軍亦為十品二十四班正施於外國及大

通三年有司奏自天監七年改定將軍之名有因有革

普通六年又置百號將軍更加刊正雜號之中微有異

同大通二年奏移寧遠班中明威將軍進輕車班中以

輕車班中征遠度入寧遠班中又置安遠將軍代真武

宣遠代明烈其戎夷之號亦加附擬選序則依此承用
遂以定制轉則進一班黜則退一班班即階也同班以
優劣為前後有鎮衛驃騎車騎同班四中四征同班八
鎮同班八安同班四平四翊同班中武軍師同班武臣
爪牙龍騎雲麾冠軍同班鎮兵翊師宣惠宣毅四將軍
東南西北四中郎將同班智威仁威勇威信威嚴威同
班智武仁武勇武信武嚴武同班謂為五德將軍輕車
振朔武旅貞毅明威同班寧遠安遠振遠宣遠同班威

雄威猛威烈威振威信威勝威畧威風威力威光同班
武猛武畧武勝武力武毅武健武烈武威武銳武勇同
班猛毅猛烈猛威猛銳猛震猛進猛智猛威猛勝猛駿
同班壯武壯勇壯烈壯猛壯銳壯盛壯毅壯志壯意壯
力同班驍雄驍桀驍猛驍烈驍武驍勇驍銳驍名驍勝
驍迅同班雄猛雄威雄明雄烈雄信雄武雄勇雄毅雄
壯雄健同班忠勇忠烈忠猛忠銳忠壯忠毅忠捍忠信
忠義忠勝同班明智明畧明遠明勇明烈明威明勝明

進明銳明毅同班光烈光光明光英光遠光勝光銳光命
光勇光戎光野同班颯勇颯猛颯烈颯銳颯奇颯決颯
起颯畧颯勝颯出同班龍驤武視雲旗風烈電威雷音
馳銳追銳羽騎突騎同班折衝武毅和戎安壘超猛英果
掃虜掃狄武銳摧鋒同班開遠畧遠真威決勝清野堅
銳輕銳拔山雲勇振旅同班超武鐵騎樓船宣猛樹功
克狄平虜稜威昭威威戎同班伏波雄戟長劍衝寇雕
騎攸飛勇騎破敵威敵威虜同班前鋒武毅開邊招遠

金威破陣蕩寇殄虜橫野馳射同班牙門期門同班候
騎熊渠同班中堅典式同班執訊行陣同班伏武懷奇
同班偏裨將軍同班凡二百四十號為四十四班又雍
州置寧蠻校尉廣州置平越中郎將北涼南秦置西戎
校尉南秦梁州置平戎校尉寧州置鎮蠻校尉西陽南
新蔡晉熙廬江等郡置鎮蠻護軍武陵郡置安遠護軍
巴陵郡置度支校尉皆立府隨府主號輕重而不為定
其將軍施於外國者雄義鎮遠武安同班擬鎮衛等三

號四撫同班擬四征四威同班擬忠武等號撫河衛海
安沙輔義同班擬武臣等號航海寧沙輔朔平遠同班
擬鎮兵等號龍幕威河和戎招遠朔野朔海同班擬智
威等號梯山寧冠綏邊安漠威隴五號同班擬智武等
號威漠明義昭信綏河寧境同班擬輕車等號候律振
朔宣節向義安隴同班擬寧遠等號振漠寧隴陵海安
遠平冠同班擬威雄等號懷德執信明節橫朔馳義同
班擬武猛等號安朔寧河掃寇靜朔懷關同班擬驍雄

等號度障奉化康義超隴揚化同班擬猛烈等號寧關
橫沙雄邊振隴平河同班擬忠勇等號鑿空浮遼弘節
宣義懷信同班擬明智等號明信陵河歸義款塞捍海
同班擬光烈等號立義仰化弘信守義奉忠同班擬颺
勇等號奉誠立誠建誠顯誠義誠同班擬龍驤等號尉遼
寧渤綏嶺威塞通候同班擬折衝等號掃荒明英遠勝
銳命勇戎野等十光颺勇烈猛銳奇決起勝畧出等十
颺將軍平鉞中郎

廣梁南秦南梁
寧等州小府

西戎平戎鎮蠻三校

尉等擬官一百四號品第六

並千石

龍驤武視雲旂風烈

電威雷音馳銳追銳羽騎突騎折衝冠武和戎安壘超

猛英果掃虜掃狄武銳摧鋒開遠畧遠貞威決勝清野

堅銳輕車拔山雲勇振旅等將擬官三十號品第七

並六

百石超武鐵騎樓船宣猛樹功克狄平虜稜威戎昭威戎

伏波雄戟長劔衝寇雕騎伏飛勇騎破敵克敵威虜等

將軍鎮蠻護軍

西陽南新蔡晉熙廬江郡小府鎮蠻安遠護軍度支校尉隨府主號輕重若單

作則減太守內史相一階若有將軍減將軍一階

安遠護軍度支校尉

巴陵郡丞等

擬官二十三號品第八

並六
百石

前鋒武毅開邊招遠金威

破陣蕩寇殄虜橫野馳射等將軍擬官十號品第九

並
四

百諸將軍起自六品以下板則無秩其雖除不領兵領

兵不滿百人拜除此官而為州郡縣者皆依本條減秩

石

二千石減為千石千石減為六百石自四百石不降而無秩其州郡縣自各依本秩論

凡板將軍

皆降除一品諸依此減降品秩後齊中鎮撫軍將軍

將二

軍武職罷
任者為之

領軍護軍翊軍將

從二
品

冠軍領左右武衛輔

國龍驤

從三
品

鎮遠安遠武騎雲騎驍騎游擊建忠建節

四品 中堅中壘左前右後振威奮武直閣 從四品 廣德弘義

折衝制勝 五品 伏波陵江輕車樓船 從五品 勁武昭勇明威

顯信 六品 度遼橫海踰岷越障 從六品 戎昭武毅積武積射

雄烈恢猛 七品 揚麾曜鋒彊弩蕩邊開域 從七品 靜漠綏戎

殿中平越殄夷 八品 飛騎隼擊武牙武奮員外 從八品 清野

橫野 九品 偏裨 從九品 後周中鎮撫等將軍八命冠軍輔國

七命鎮遠建忠正六命中堅寧朔正八命寧遠揚烈八

命伏波輕車正七命宣威明威七命襄威厲威正六命

威烈討寇正八命蕩寇蕩難八命殄寇殄難正七命掃

寇掃難七命曠野橫野正六命武威武牙一命

後周中鎮撫等

八命至武牙一命其詳載在盧辯傳

隋高祖採後周之制六品以下置翊

軍等四十三號將軍品凡十六等為散號將軍以加汎

授翊軍翊師四征

東西南北

三將軍

內鎮撫

為正六品四平

東西

南北

四將軍

前後左右

冠軍輔國為從六品鎮遠安遠建威寧

朔為正七品寧遠鎮威伏波輕車為從七品宣威明威

襄威厲威為正八品威戎討寇盪寇盪難為從八品殄

寇殄難掃寇掃難為正九品曠野橫野偏裨為從九品

輔國將軍

王隱晉書王濬為輔國大將軍

送鼓蓋

晉王濬為輔國大將軍上牋曰昔魏武達政之主也荀文若功臣之最也封不過亭侯倉舒愛

子之寵贈不過別部司馬以此格萬物得不局跡乎今者臨郡不問賢愚豪賤皆加重號輒有鼓蓋時有不得者或為耻辱天官混雜朝望頽毀導忝荷重任不能崇浚山海而開創亂源饕竊名位取索彞典謹送鼓蓋如崇之物請從導始庶令

開府

羊秀贈輔國大將軍開府儀同

百禪

梁吉土膽

少時常于南蠻國中擲博無禪褰露為儕輩所侮及平魯休烈軍得絹三萬疋仍作百禪其外並賜軍士不以

入室以軍功除輔
國將軍步兵校尉

冠軍將軍

卿子

史記楚義帝以宋義為卿子冠軍

功冠三軍

前漢武帝以霍去病征匈奴功冠三軍封

冠軍侯

揮劍截蛟

鄧遐為人害遐遽拔劍入桓溫征伐襄陽城時

北沔水中有蛟常為人害遐遽拔劍入蛟龍繞其足遐揮劍截蛟數段而出

威畧之聲著于

方外

晉起居注武帝泰始七年議郎胡奮開典忠亮有文武材幹歷位外內明于戎事威畧之聲著于方

外以為冠軍將軍

與卿盡布衣之適

齊書劉俊嘗從駕登蔣山上數嘆曰貧賤之交不可

忘糟糠之妻不下堂顧謂俊曰此況卿也言世富貴好改其素情吾雖有四海今日與卿盡布衣之適俊起謝

拜為冠軍 奏課聯最

梁任昉齊竟陵大宣王以奏課聯最號為冠軍將軍

遊擊將軍

漢書太初元年蘓建韓說皆為之

不喜得遼東喜得卿

唐書太宗征遼東薛仁貴應募從行仁貴自恃驍勇欲立奇功乃異

其服色著白衣握戟腰鞬張弓大呼先入所向無前賊盡披靡却走大軍乘之賊乃大潰太宗遙望見之遣馳問先鋒白衣者為誰特引見擢授遊擊將軍及軍還太宗謂曰朕舊將皆老不堪授閫外之寄每欲抽擢驍雄莫如卿者朕不喜得遼東喜得卿也

攻彭寵

袁宏漢記建武二年以鄧隆為遊擊將軍陰助朱浮軍以

寵

領兵未欲出

山濤啟事遊擊將軍諸葛沖精果有武擬補兖州詔荅曰沖領兵未欲出

之

龍驤將軍

白衣領職

晉陶侃為龍驤將軍擊杜弢破之遣叅軍王貢告捷于王敦貢還至竟陵矯侃命以杜曾

為前鋒大督護擊賊王冲斬之悉降其衆侃召曾不到貢又恐矯命獲罪與曾舉兵反擊侃賊鈞侃所乘艦侃

窘走入小船僅而獲免坐是免官王敦表侃以白衣山領職侃復進軍擊杜弢大破之王敦於是秦復侃官

南之事一以委卿

晉載記符堅入寇以姚萇為龍驤將軍益梁州諸軍事謂萇曰朕本以龍驤

建業龍驤之號未曾假人今特以相授山南之事一以委卿堅左將軍竇衡進曰王者無戲言此不祥之徵也

惟陛下察童謠羊祜別傳先時吳有童謠曰阿童復阿之堅默然童銜刀浮渡江不畏岸上獸但畏水中

龍祐聞之曰此必水軍有力即表王璿
為龍驤將軍謀伐之璿小字阿童也
夢天神書符堅

與苻健西入關堅時年十二未有軍號健夢
天神遣使者朱衣赤冠拜堅為龍驤將軍

驍騎將軍

匈奴不入界

前漢李廣為驍騎將軍在北平郡匈奴號曰漢飛將軍避之數歲不入界飛將

上攻中山

東觀漢記光武以劉植為驍騎將軍攻中山擊涿郡建武九年以劉喜為驍騎

將軍擊涿郡

與計事

魏志董卓立獻帝表太祖為驍騎將軍與計事太祖乃變姓黃鬚魏

任城威王彭性勇而鬚黃為驍騎將軍北出塞為冠所要彭獨與麾下數百騎突湧太祖聞之曰我黃鬚兒真可用也及劉備使劉封挑戰太祖罵曰賣履舍兒長使假子拒汝公乎待呼我黃鬚來令擊之重登禮

閣兼掌六軍

齊書江殷為侍中轉都官尚書領驍騎將軍王晏啟武帝曰江殷今重登禮閣兼掌

六軍慈渥所覃實有優忝但語其事任殆同閒輩天旨既欲升其名位愚謂以待中領驍騎望實清顯殆有殊納言上曰殷常啟吾為其鼻中惡今既以何胤王瑩還門下故有此回換爾

建威將軍

攻洛陽

東觀漢記光武以耿弇為建威將軍從攻洛陽

破呂範

魏志賈逵黃初中破呂範於洞

浦加建威將軍

奮威將軍

儀比三司

魏志呂布殺董卓王允以布說袁紹沮授少為奮威將軍假節儀比三司說袁紹有大志

說袁紹紹表為奮
威將軍沮音組
誓江晉元帝既拓定江南乃以祖逖

中流擊楫而誓曰祖逖不能
清中原而復濟者有如大江

振威將軍

伐蜀有功

魏志牽招字子經次子弘任毅有父風伐蜀有功為振威將軍

振武將軍

乘長風破萬里浪

宋史宗慤年少時叔父少文問其所志慤曰願乘長風破萬里浪後為振

武將

曳牛尾却行數步

三十國春秋振武將軍劉陽驍猛甚有勇力曳牛尾却行數步

奮武將軍

討平豫章賊

吳志賀齊豫章東部民彭材李王王海等起為賊亂衆萬餘人齊討平之誅其首惡

餘皆降復揀其精健為兵次為縣戶遷奮武將軍

揚威將軍

臧霸止張遼

魏志臧霸從太祖討孫權於濡須口與張遼為前鋒行過霖雨大軍先及水遂長賊

船稍進將士皆不安遼欲去霸止之曰公明於利鈍寧肯捐吾等邪明日果有令遼至以語太祖太祖喜之拜為揚威將軍

建武將軍

安才容觀

蜀志劉封傳文帝善孟達安才容觀以為建武將軍

伏波將軍

東觀漢記光武以馬援為伏波將軍

王隱晉書武帝以孫秀為伏波將軍

環濟要畧伏波者船涉江海欲使波浪伏息也

伐南越

前漢武帝以路博德為伏波將軍伐南越

出入卧内

魏志夏侯惇為伏波將軍領河

南尹使得以便宜從事太祖常與同載特見親重出入卧内諸將莫得比也

矍鑠

後漢馬援少有大志

交趾女子徵側徵貳反升援伏波將軍南擊交趾斬徵側徵貳傳首洛陽振旅還京師後武威將軍劉尚擊武陵五溪蠻夷深入軍沒援因復請行時年六十二帝愍其老未許之援自請曰臣尚能被甲上馬帝令試之援

據鞍顧盼以示可用帝
笑曰矍鑠哉是翁也

虎威將軍

假節鎮江陵

吳志朱然從孫權討關羽別與潘璋到臨沮禽羽遷昭武將軍虎威將軍呂蒙病篤

權問曰卿如不起誰可代者蒙對曰朱然膽守有餘愚以為可任蒙卒權假然節鎮江陵使卿門世

不乏

齊書柳世隆元景弟子也出為虎威將軍上庸太守帝謂元景曰卿昔以虎威之號為隨郡今復以

授世隆使卿門世不乏公也

才任大將

魏于禁字文則將軍王朗異薦禁材任大將軍太祖召

見與語拜軍司馬後拜虎威將軍

破虜將軍

持節

後漢更始遣先武以破虜將軍行大司馬軍事持節北渡河

不與諸將爭功

魏志李典

字夢成為破虜將軍好學問貴儒雅不與諸將爭功敬賢士大夫恂恂若不及軍中稱其長者

揚武將軍

發四郡兵擊李憲

後漢馬成以揚武將軍發會稽丹陽九江六安四郡兵擊李憲進圍憲於

舒令諸軍各深溝高壘憲數挑戰成堅壁不出歲餘至六年春城中食盡乃攻之遂屠舒斬李憲

征虜將軍

憂國奉公

東觀漢記祭遵為征虜將軍廉潔奉公光武歎曰安得憂國奉公如祭征虜者乎

醉

罷

魏志太祖以臨苗侯植行征虜將軍故遣叔曹仁呼有所勅成而植醉於是罷之

金紫將軍

沈約宋書征虜將軍世號金紫將軍

輔漢將軍

後漢光武以鄧奉為輔漢將軍

厲威將軍

魏志太祖征荊州還留滿寵行厲威將軍按滿寵傳行奮威將軍

盪魏將軍

取船備害吳志呂據太元元年大風江水溢流漸淹城門權使視水獨見據使人取大船以備害權

喜之拜盪

魏將軍

盪寇將軍

慷慨壯烈士人貴之

蜀志張嶷自越嶲徵詣成都夷民總慕扶轂泣涕過旄牛邑邑君襁

負來迎及追尋至蜀郡界其督相率隨嶷朝貢者百餘人疑至拜盪寇將軍慷慨壯烈士人咸多貴之

鷹揚將軍

假赤幢鼓吹

晉郭奕咸寧初遷雍州刺史鷹揚將軍尋假赤幢曲蓋鼓吹

牙門將軍

數有戰功

蜀志魏延以部曲將隨先主入蜀數有戰功遷牙門將軍

破羌將軍

與將士同君

後漢段紀明為破羌將軍行軍仁愛士卒疾病者親自瞻省為裒創在邊十餘年未

嘗一日蓐寢與將士同苦故皆樂為死戰

材官將軍

屯馬邑

前漢武帝以李息為材官將軍屯馬邑

折衝將軍

魏志太祖以樂進為折衝將軍

虎牙將軍

伐匈奴

前漢宣帝以雲中守田順為虎牙將軍伐匈奴從平河北

後漢蓋延長八尺與吳漢

同歸光武從平河北光
武即位拜虎牙將軍

戈船將軍

置戈船下

漢書歸義侯越嚴為戈船將軍越人於水中
負人船又有蛟龍為害故置戈於船下因以

名為

度遼將軍

匈奴懷其恩信

後漢耿秉建初元年拜度遼將軍視事
七年匈奴懷其恩信匈奴聞秉卒舉國

號哭至梨而流血
梨即虜字虜割也

無文武之才忝鷹揚之任

陳龜桓帝
時為度遼

將軍臨行上疏云臣頑鯨之器無鉛刀一割之用臣聞
三辰不軌擢士為相蠻夷不恭拔卒為將臣無文武之

材而忝鷹揚之任上
慙聖朝下懼素餐

下瀨將軍

下瀨船

前漢武帝紀甲為下瀨將軍下蒼梧甲故越人歸漢者也瀨湍也吳越謂之瀨中國謂之磧伍

子胥書有下瀨船

橫野將軍

與諸將絕席

後漢王常拜橫野大將軍位次與諸將絕席

大樹將軍

獨屏大樹下

後漢諸將論功馮異獨屏大樹下軍中號曰大樹將軍

漢忠將軍

與諸將絕席

東觀漢記光武於大會中指王常謂羣臣曰此家率下江諸將輔翼漢室心如金石

真忠臣也是日以常為漢忠將軍位次與諸將絕席

討虜將軍

擊賈覽

東漢光武以王霸為討虜將軍擊賈覽

寧朔將軍

容貌魁壯有雄豪風

北齊書爾朱渾元父買奴容貌魁壯有雄豪風拜寧朔將軍

建義將軍

攻朱鮪

東觀漢記光武以朱祐為建義大將軍攻朱鮪

刺姦將軍

後漢光武以軍市令祭遵為刺姦將軍

授以常所持節

東觀漢記岑彭從光武拜為刺姦大將軍使督察衆營授以常所持節

輔威將軍

東觀漢記光武拜臧宮為輔威將軍

揚化將軍

東觀漢記光武拜堅譚為揚化將軍

都護將軍

累從征伐

魏志曹洪累從征伐拜都護將軍

立義將軍

驍勇

魏志龐德字令明太祖定漢中德隨衆降太祖素聞其驍勇拜立義將軍

中堅將軍

魏志太祖以許褚為中堅將軍又以張遼行中堅將軍

討逆將軍

吳志曹公表孫策為討逆將軍封吳侯

輔吳將軍

吳志孫權以張昭為輔吳將軍

積射將軍

晉太康中立積射積弩營二千五百人並以將軍領之

稱鄧艾之忠

世語積射將軍樊震對武帝稱鄧艾之忠

詣闕陳停軍之狀

後周

于謹除積射將軍又隨廣陽王元深征鮮于修禮停軍
中山侍中元晏宣言於靈太后曰廣陽王以宗室之重
受律專征乃今盤桓不進坐圖非望又有于謹者智畧
過人為其謀主恐非陛下純臣靈太后詔於尚書省門
外立榜募能獲謹者許以重賞謹聞之乃謂廣陽曰今
女主臨朝取信讒佞脫不明白殿下素心便恐禍至謹

請昧身詣闕歸罪披露心腹元深許之謹遂到勝下曰
吾知此人衆共誌之謹曰我即是也有司以聞靈太后
乃引見之大怒謹備述廣陽忠
款兼陳停軍之狀太后遂捨之

積弩將軍

晉書

見積射
將軍門

東漢傳俊從世祖破王尋等拜積弩將軍

沈約宋書積弩將軍晉官也

齊職儀積弩將軍品第四銀章青綬武冠絳朝服佩水

蒼玉

彊弩將軍

前漢太初二年以路博德為彊弩將軍神爵二年以許

延壽為之伐匈奴

前漢元狩元年以李沮為彊弩將軍伐匈奴

殿中將軍

持斧殺牛

玄中記漢桓帝時游河上忽有一青牛從河中出直走盪桓帝邊人皆走太尉何公時為

殿中將軍為人勇力輒走往逆之牛見公往乃反走還河未至河公及牛仍以手拔牛左足以右手持斧破牛

頭殺之此青牛乃萬木精也

用才學士以廣視聽

語林庾公被代王公先書與郗公曰

老賊轉欲漸張殿中將軍舊用才學士以廣視聽而顧悉內面牆人是欲蔽王之明決欲勒數州之眾以除君

側之惡今年立
舉茂不濟矣

禁省八載不請休息

徐爰宋書申括字通敏恬淡少懷貞

裕志業介然拜殿中將軍禁省八載不請休息時輩莫之及也

撤去御坐

晉紀瞻見丞相祭酒門

員外將軍

魏氏官志員外將軍從第八品

隋百官志同

朱衣直閣

魏志元文景大司農卿康之次子除員外郎冠軍將軍

朱衣直閣

直閣將軍

後魏書楊暕性雅厚頗有文學起家奉朝請稍遷直閣將軍

夢騎五色獅子

蕭子顯齊書王敬則生時胞衣紫色年長而兩腋下生乳各長數寸夢騎五色

獅子明帝即位

擢為直閣將軍布衣蔬食

齊劉善明直閣將軍魏克青州善明母在為移置代都善

明布衣蔬食哀戚如持喪明帝每見為之嘆息

蘊藉改名

齊春秋魚復侯子響為荊州刺史直閣將

軍董蠻粗有氣力子響要與同行蠻曰殿下癩如雷敢相逐耶子響笑曰敢出此語亦復甚癩上聞而不悅曰人名蠻復何容得蘊藉乃改名為仲舒

直寢

朴直少言

後魏于忠弱冠拜侍御中散文明太后臨朝刑政頗峻忠朴直少言終無過誤除左中郎

將領直寢

直後

說降田流

蕭子顯齊書臨海亡命田流自號東王逃竄會稽鄞縣邊海山谷中立屯營兵不能討明

帝遣直後聞人龔說降

美形貌

後魏元天穆性和厚美形貌年二十歲起家員外郎直後

直齋

後魏官志太和九年十月初置直齋

職官分紀卷三十四